

二 目 录

总 序 戴逸 / 1

前 言 沈寂 / 1

凡 例 / 1

第一册 辛巳二月十二日至嘉平月晦日 / 1
辛巳日记 / 1

第二册 壬午元旦至七月十三日止 / 42
壬午日记（元旦起） / 42

第三册 起壬午七月十四终十月初六 / 73
壬午日记（七月十四日起） / 73

第四册 壬午十月初七日起癸未四月初五日止 / 94
壬午日记（十月初七日起） / 94
光绪癸未日记（正月元旦日起） / 107

第五册 癸未四月初六日起除日止 / 120
癸未日记（四月初六日起） / 120

第六册 起甲申元旦至十月廿三 / 155
甲申日记（元日起） / 155

第七册 起〔甲申〕十月廿四终乙酉十二月初十日 / 195
甲申日记（十月二十四日起） / 195
乙酉日记（元日起） / 201

第八册 乙酉十二月十一日起丙戌十二月晦日止 / 239



乙酉日記（十二月十一日起）／239

丙戌日記（正月元日起）／242

第九冊 丁亥元日起十一月廿八日止／283

丁亥日記（元日起）／283

第十冊 丁亥十一月廿九日起戊子十二月廿九日止／331

丁亥日記（十一月廿九日起）／331

戊子日記（正月元日起）／334

第十一冊 己丑元日起庚寅五月晦日止／379

己丑日記（元日起）／379

庚寅日記（元日起）／414

第十二冊 庚寅六月朔起辛卯五月晦止又六月初一日至十一月初十日止／433

庚寅日記（六月朔日起）／433

辛卯日記（元旦起）／452

第十三冊 辛卯十一月十一日起壬辰七月十五日止／482

辛卯日記（十一月十一日起）／482

壬辰日記（元旦起）／487

第十四冊 壬辰七月十六日起至癸巳十二月晦日止／509

壬辰日記（七月十六日起）／509

癸巳日記（元日起）／525

第十五冊 甲午元日至六月廿九日止／560

甲午日記（元日起）／560

第十六冊 甲午七月朔日起乙未十月廿九日止／582

甲午日記（七月初一日起）／582

乙未日記（元日起）／601

第十七冊 光緒乙未十一月朔至丙申除日止／633

乙未日記（十一月朔日起）／633

丙申日記（元旦起）／639

第十八冊 丁酉正月初一起至戊戌十月廿九止／672

光緒丁酉紀日（元旦起）／672

戊戌年（元旦起）／706

第十九冊 戊戌十一月起至庚子二月廿八日止／737

戊戌日記（十一月朔日起）／737

己亥日記（元旦起）／742

庚子日记（元旦起）／772

第二十册 庚子七月朔日起至辛丑八月十四日止／778

庚子日记（七月初一日起）／778

辛丑日记（元旦起）／797

第二十一册 壬寅元日至癸卯二月十七日止／816

壬寅日记（元日起）／816

癸卯日记（元旦起）／853

第二十二册 癸卯二月十八日至甲辰三月廿六日止／859

癸卯日记（二月十八日起）／859

甲辰日记（元旦起）／892

第二十三册 甲辰三月廿七日至乙巳三月廿五日止／903

甲辰日记（三月二十七日起）／903

乙巳日记（元日起）／935

第二十四册 乙巳三月二十六日至丙午四月二十二日止／946

乙巳日记（三月二十六日起）／946

丙午日记（元日起）／976

第二十五册 丙午四月二十三日至丁未四月十七日止／988

丙午日记（四月二十三日起）／988

丁未日记（元日起）／1018

第二十六册 丁未四月十八日起戊申三月十九日止／1029

丁未日记（四月十八日起）／1029

戊申日记（元日起）／1060

第二十七册 戊申三月二十日起除日止／1068

戊申日记（三月二十日起）／1068

第二十八册 己酉元日起至十二月三十日止／1097

己酉日记（元日起）／1097

第二十九册 庚戌起元旦除日止／1138

庚戌日记（元旦起）／1138

第三十册 辛亥元旦起壬子十二月二日止壬子年记在后／1177

辛亥日记（元旦起）／1177

壬子记（阳历六月廿四日起）／1201

二年日记（新历元日起）／1221

新学
PDG

- 第三十一册 二年新正月初九日起三年正月廿五日止旧癸丑除日止 / 1223
三年日记（元日起） / 1256
- 第三十二册 甲寅元日至乙卯四月九日止 / 1259
甲寅日记（元日起） / 1259
乙卯日记（元旦起） / 1289
- 第三十三册 乙卯四月初十日起丙辰十月廿九日止 / 1299
乙卯日记（四月初十日起） / 1299
丙辰日记（元旦起） / 1320
- 第三十四册 丙辰十一月朔起戊午四月初六日止 / 1344
丙辰日记（十一月初一日起） / 1344
丁巳日记（元旦起） / 1349
戊午日记（元旦起） / 1381
- 第三十五册 戊午四月初七日起己未九月三十日止 / 1389
戊午日记（四月初七日起） / 1389
己未日记（元旦起） / 1411
- 第三十六册 己未十月朔日起至壬戌三月二十四日止 / 1434
己未日记（十月朔日起） / 1434
庚申日记（元日起） / 1442
辛酉日记（二月初四日起） / 1462
壬戌日记（二月廿九日起） / 1471
- 附 尺牒、尺牒存查 / 1474
尺 牒 / 1474
尺牒存查 / 1492



第一册

辛巳二月十二日〔二十〕至嘉平月晦日

辛巳日记

二月二十日 阴

习制艺。作字。阅汪焕曾先生《双节堂庸训》十五页。人之读书固宜宏大其识见，然与其深而难测，孰若浅而易知，与其高而难攀，孰若近而易做，于今日用伦常之地，说出一段悚惕之言。盖人如大坏事、大好事，乡党自好者犹知去就，而惟此骨肉至亲之际，易于忽略，易生过尤，苟能于此而立言焉，真可以为座右箴矣。夜读陆放翁七律。亥初寝。

二十一日 霁

习制艺。方存之先生来，始见之。饭后携字纸往河边，焚毕，以沙掩之，归。小人不可与久处，久处必受其侮，吾尝历之矣。

二十二日

二十三日 晴

二十四日 晴

祖母、大人、二姊俱入城。

二十五日 晴，日中雨

二十六日 晴

习制艺。作字。阅《庸训》。

二十七日 晴

习制艺。作字。

二十八日 晴

习制艺。作字。阅《庸训》。连日春意春容，后园桃花已开矣。大伯父入城。

二十九日 晴

蝉蛙始鸣。习制艺。作字。阅《庸训》。人之欲奉承，果何为哉。小人奉承我，皆其心欲有所求于我也。况愚蒙之夫，何知好恶，奉承之下，能容我乎？能益我乎？何所取而爱之。

三十日 晴

习制艺。作字。读陆放翁七律。

三月朔日 晴

习制艺。作字。读惜抱公诗。

初二日 晴

习制艺。集录古今名贤箴铭。方山如夫子至，留宿共话，至夜深始眠。夜雨。

初三日 晴

晨起，四山漠漠，颇有春雨如丝之态。山如夫子展墓归，决欲行，遂去。集录古今名贤箴铭。夜，偶阅《世说新语》。

初四日 晴

集录古今名贤箴铭。阅《世说新语》。

初五日 晴

与大兄入城。夜雨。

初六日 阴

顾篋輿，侍大人往曹冈。途中风雨四合，阴云盖天，輿夫行而蹶者数四，六里复还城。往马通伯，谈功过格事，余行功过格二月矣，今见通伯新订功过格尤佳，属为抄毕寄与余焉。二更回中复堂宿。

初七日 晴

侍大人往曹冈，季述五叔亦与焉。薄暮抵曹冈。祖母、大姊及二姊、森甥、团甥皆在，外祖母意甚欣然也。夜，大月。

初八日 晴

拜祖母寿。大兄来曹岗^①。

^① 曹岗：即曹冈。后不再注。

初九日 晴

大姊回城，留团儿与其奶妈在此。

初十日 阴

团儿奶妈忽得一疾，状似疯颠，情甚可惧，大人拟明日带之入城。

十一日 晴

大人带奶妈、团儿入城，以其病故也，而其病亦愈矣。盖家有幼子，迫于饥寒，遂弃己子以养人子，思念太甚，故得此疾。吁！可矜矣。

十二日 晴，大风

阅《世说新语》。

十三日 阴

十四日 阴

十五日 晴

阅《世说新语》。读韩诗。

十六日 晴

阅《世说新语》。抄求阙斋《五箴》、文文山诸箴铭。

十七日 晴

十八日 晴

侍祖母入城，祖母往大姊处。

十九日 阴

早往马通伯家，饭后往方俊民家，又至张家大姊处，久之始归。阅《竹如先生年谱》。

二十日 阴

大兄、二姊自曹冈回城。人讹言盐中有红、黄、白羊毛，人食之则发羊毛沙，炒而食始无害，不然则致伤命也。方俊民、马通伯来。

二十一日 阴

余与大兄、二姊入山，薄暮抵独建斋。邻人以新茶来，余与三十五钱一两，彼须五十，以价不合而去。

二十二 [日] 晴

大兄生日，拜寿。偕子椿、大兄往马老九处，催其所抄书。尚未抄也，属其急抄而回。子椿为余抄薛文清箴铭。是日谷雨。方蓉生来。人之为善，须是直截斩断，方能做得去，若一念之善不能充扩，则几微之间一念之恶又间之矣。盖人心至微，顷刻之间千思百虑善恶毕集，不能于其善时用力推广，譬如燃灯将明，不再去燃，而即将火撤去，欲求其明也，难哉。读祖父《后湘诗集》，凡入西藏中，山川之险，皆系以诗，读之可以见祖父一生之梗概矣；及蓬州时，风俗教化皆可略见一斑，因录数诗于后。《巴塘端午》：“巴塘四面皆山，中开绿野，周数十里青稞、小麦弥望。所居行馆，依近东山，颇高洁，可以眺望。端午日，庖人具鸡、豚、鲜鱼为饌，蛮中不易得也。申刻，雷雨一阵，遥望山色空濛，人行麦陇，恍如在成都矣。轻雷飞雨麦翻风，山色云光态不同。忆向成都行绿野，几人蓑笠在空濛。”《哭斌少司寇》：“公名斌良，满州正红旗人，荫生，善诗，有气节闻海内，知名士皆倾心礼之，嘉庆中已著声称。然仕不得意，执政诸公或弗善也。京师秋菊盛开，无以觴客，乃典貂裘为之，其好士如此。道光二十二年，公弟闽督怡公渡海逮镇道，公在盛京，贻之书曰：“事关千秋公论，苟欠斟酌，何以入先茔乎。”二十七年，英夷求西藏通市，大臣既奏许之矣，公以刑部侍郎为驻藏大臣，备之。陛辞日颇有所陈，上命与川督筹焉。公忧之，密奏以莹为前藏粮台，命未下，已忧愤而薨，莹亦乞病罢归。最后藏中咨抄公奏，有云“四川蓬州知州姚莹，前为台湾道，夙裕韬铃，循声甚著，与其令之坐领一州无所展布，莫若量移边要，亦可遂其及时报效之忧”。然莹于公固不相识也。舟中追思往事，为诗哭之。都护西行日，空陈北阙辞。金貂曾换酒，秃发竟舆尸。已凜千秋论，终惭一荐知。与君生不识，同恨是和夷。”《胡恕堂观察过蓬州，是日，蓬人为余立仁廉祠，士庶喧阗走送。观察嗟叹久之，曰：“君可谓大用之而大效，小用之而小效矣。”感其言有作，赋呈为别》：“小山新赋近何如，浮渡龙眠入梦多。跃马未能清海甸，割鸡深愧问弦歌。半帆落日长江水，一径寒烟野父蓑。别后相思何处写，芰荷香里独颜酡。”以上三诗，足征政事之美、推荐之诚，先型先德创垂匪易，於乎，小子敢不黽勉以赴哉！与子椿夜话。戌刻寝。

二十三日 阴，中午雨

作字。山中人又以茶来卖，余以三十文一两购之，价不为昂也。余颇自喜其不为人欺也。因念此一事推之，可刻薄阴狠，无所不为。程子云：“阅机事之久，机心必生。盖方其阅时，心必喜。既喜，则如种下种子。”今余之于新茶也，未尝不欲购也，而故视为淡漠，令其价低而后买之，则机心生也。机心之生，由于平日见机械之事则窃慕之，闻机械之言则乐听之，当时已种下种子了。《庄子》：“海人有好鸥者，日与鸥处，鸥皆不避之。其父谓曰：‘鸥不避汝，何不取来为我玩。’明日到海上，鸥皆翔舞不下，机心生也。”以吾人生质之恶，而又日趋机械，苟不振拔，则几微之间已不堪问矣。甚哉，机心之不可存也。

二十四日 阴

二十五日 晴

入城，呈新茶于大人尝之。沉士伯父在城。

二十六日 阴

顾肩舆与子峰叔、大兄往省，付童子试也。是日抵萧家店。

二十七日 晴

抵省，寓上升公馆。

二十八日 晴

二十九日 晴

办给。

四月初一日 晴

张凤池来。夜入场。

初二日 晴

题为“与父之政，是难能也。孟氏使阳肤”。二题“仲子所居之室”。诗题“笔所未到气已吞”。头牌出场。

初三日 晴

初四日 晴

邓世白来。

初五日 阴

初六日 晴

露石来。夜出案，大兄取十六牌，余在二牌，二叔三牌。

初七日 阴

露石回城。夜入场。

初八日 大雨竟日

题为“汤又使人问之曰”。经题“食我桑黉，怀我好音”。诗题“小风吹水碧鳞开”。三牌出场。

初九日 阴

初十日 晴

邓世白邀过其家，遂登江楼。

十一日 晴

夜出案，余在三牌。

十二日 晴

入场。

十三日 晴

题为“何以异于是”。诗题为“家不治垣屋”。头牌出场。

十四日 晴

十五日 晴

存之先生招饮，赴之。

十六日 阴

邓世白来，以怀宁潘□□^①短歌见示，录之：“健儿一一并州刀，不如孔雀血半瓢。毒注人心万夫死，金钱步步随奇鬼。”——“洗尽山君项下血，剑如越女天下白。年年补履偿饭钱，半世恩仇空问天。一龙一蛇草中活，男儿失路真可怜。”三“十二万年目一瞬，髑髅之乐亦易尽。货畚儿谈霸王略，龙骧虎步生诸葛。尺蠖屈伸由其躯，与人家国胡为乎。”四“厉鬼胆，红一斗，毒龙头，在君手。君魂尽，君魄强，星满天，飞昼藏。画象穿，翁仲踣；冢中人，不叹息。阴符一日读一回，我发未白心未灰。”二四首学李长吉，颇有奇横之气，但客气未尽耳。

十七日 阴雨

夜出案，余在头牌。

十八日 晴

接大人谕。夜入场。

十九日 晴

终覆题为“观远臣以其所主”。头牌出场。

二十日 晴

晨起归山，途中遇徐次德亦归，其家即余居之上，遂约同行。宿练潭。

二十一日 晴

黎明起，促舆夫行，饭于半木山，又饭于老梅树街，遇雨于观音殿，至三道河已昏黑矣。行三里，遇家中来接者，遂抵山舍，祖母、大人皆欢喜。次德亦抵其家。夜雨竟夕。

^① 原稿此处空缺，下文（二十三日）称“潘先生”。

二十二日 阴雨

大人本拟今日行，因雨故不果。

二十三日 阴

二兄出其近作古文辞相示，颇多奇气。晚晴。以潘先生诗上于大人，乃知其诗皆乱道也。

二十四日 阴

大人行，从者季述叔，隶而从者张桂林，大约六七月即可归也。理书舍。夜读陆放翁七律。早寝。

二十五日 晨兴，阴雨濛濛矣

作字二百。今人往往动辄〔辄〕议论古人，此最可厌。如子路死卫难，吴康斋之言梦孔子，曹月川之作《夜行烛》，人多说其不当死卫，不当妄诞不经而言梦，不当作书以谕亲。殊不知子路之死正是当死，食人之禄即宜尽人之事，孔子曰：“由也，不得其死。”然是见得子路有慷慨不为偷生失节之操而云然耳。不然，则子路死错了，夫子又何必哭之痛，而至于覆醢哉。至于吴康斋之梦孔子，乃自述其事，何足深怪。吴康斋岂是借梦孔子而惑世诬民者乎，如亦谓其不经，则孔子之梦周公亦为妄诞矣。然乎？否乎？若夫曹月川之《夜行烛》，正是他谕亲于道，不愧古人之几谏，且其书中未尝宣扬父过，止说其父之从善如流、闻过知改耳，何为不当。今试问议论三公之人，能如子路之忠否？能如吴康斋之安贫乐道否？能如曹月川之孝否？吾恐处子路之时必为偷生失节之臣，处康斋之时必为阿谀奔走之事，处月川之时必将谏则离其亲，不谏则陷亲于不义，而反以蝼蚁之贱妄议先贤，岂不诬哉，岂不惑哉。读《史记》一卷。润生四伯来。夜，咽喉疼，早寝。

二十六日 晴，霾

作字二百。读《史记》二卷。服药。润生、承初二伯往三芝庵，以雨坏田梗往视也。惜抱轩诗有“风丝垂缢女，引蔓长牵牛”。“牵牛”乃虫名，色黑而头有二角，似牛然，喜在藤蔓之间。“缢女”则不知是何物，大约亦虫名，有丝挂于枝头，似缢女之垂，故名耳。然究不知出何处，俟考。夜，读韩退之《圯者王承福传》。

二十七日 晴，霾

作字二百。读《史记》一卷。润生、承初二伯归。

二十八日 晴，霾

咽喉痛，咳嗽痰多，头昏，竟日不爽。夜忽有邻人来乞沙药，与之去，已四鼓五鼓之间矣。渴甚，又恐寒，二伯扇茶饮余，甚可感也。

二十九日 晴

身尚不爽。晚，通伯姊夫来山。

晦日 晴

五月朔日 晴

初二日 晴

下午，头烧疼。

初三日 晴

延许医来为祖母诊脉开方，余亦命为诊脉，渠云：虚烧，火甚重也。开方服一帖。通伯约余兄弟为七日静坐之功，许之。

初四日 晴

静坐，颇不能耐，而言笑过度，不能算也。

初五日

静坐，稍佳，然言笑依然过当。是日端午，因皇太后国制，故素服祭焉，不相贺也。

初六日

静坐，思昨日祭时颇不诚敬，盖心不能定，勉强制其形骸耳。晚散步溪头，至张厚培家而归。觉心神不似从前慌乱，得非静坐之功乎？

初七日

静坐，下午便聚谈。通伯以为以前皆不算，从明日再起，不能改前过者以为辱。承初二伯家中有信来，云二伯母病重甚，二伯急携其孙三元去。夜二鼓复有人来接，云二伯母已于下午逝矣，为之蹙然。

初八日 阴雨

大兄云吴氏祠堂甚近，且其间无人到，可以习静，庶乎不多言笑乎。遂命山童扫地置橙〔凳〕几往坐焉。余留家中，以慰祖母之寂，明日余兄弟复迭留于家也。细雨中偶散步，得一绝，柬通伯，大、二兄云：“山气濛濛雨欲成，飞来一片白云横。悬知静坐冥心者，定亦翛然同此情。”

初九日 阴雨

静坐。

初十日 晴

静坐，颇有不能耐之势，气质何至下愚若此，可叹之至。

十一日 晴

诗贵有境界，一人有一人之境界，一时有一时之境界，今年移不得到明年，我移

不得到他，方为至妙。苏武古诗四首，读其诗恍然如见其人、如处其时，然后知得他妙处。静坐一刻。

十二日 晴

出家所藏手卷、字画示通伯。

十三日 晴

通伯拟明日回，与之叙别，且言七八月间有往京都下北场之议，尚未定，若然，则余更孤陋寡闻矣，为之怅怅。王缙《别辋川》诗云：“山月晓仍在，林风凉不绝。殷勤如有情，惆怅令人别。”起二句兴象何等清洒，接下二句则清洒之境皆为悲惋之情矣。此等诗最言惋意深，愈读愈觉有味。夜洗足。戌正寝。

十四日 晴，炕燥

通伯姊丈去。祖母以天热故微不舒服。夜大风，雷雨。

十五日 阴雨

作字。过惜抱公评点《精华录》。

十六日 霁

作字。邻妇吴方氏之女窃园中瓜，僮奴责之，遂妄肆詈骂，二兄怒呼其房长至责之，且入城将向官讨差来。其房长为之求情，不许，遂去。夜大风。作书与通伯。

十七日 晴

吴方氏又托其房长来向余乞情，免其送官，且放爆竹、叩头陪礼，许之，兼命其子入城向二兄叩头求情。其子惧余慌〔谎〕之入城送官也，避而逃焉，余命其母捉之来，不然吾不作书入城为汝求情矣。其母复涕泣向僮奴辈乞免其子入城，余怜其愚，许以俟二兄归再行叩头陪礼也。作字。大雨至夜不止。与大兄谈植之先生事，因忆植之先生有赠吾祖父诗，忘其首二句，云：“天人我归佛，事业尔封侯。不朽频三立，都争第一流。于今人不信，后世看传头。”此余幼时闻大人所述也，诗未入集，故录之。植之先生一生虽未得仕，而其精于佛理，立身持行，有令人不可及者。故其终时，沐浴更衣，端坐而逝，异香满室，鼻息如垂玉。非其平生学问之深，何能若此。故其将赴祁门，有书寄吾祖父，兼有诗云：“朽老精力尽，残生与邻鬼。八十事客游，匍匐井上李。弃隶一时休，成佛七事理。亦知死道路，无殊在屋里。动相犹未灭，讵免拖泥水。”后复因其辞太悲惋，恐为诸圣贤、佛祖所笑，改之云：“朽老精力尽，残生与邻鬼。八十事客游，心安道如咫。弃爱一时休，成佛七事理。无我既无生，无忧亦无喜。谛观死道路，无殊在屋里。动相诸法如，莫认拖泥水。但令三观成，自免同贫子。”余谓后诗足见胸襟洒落，前诗之悲惋直逼杜公，故曾文正推惜抱公高弟（第）弟子，于桐城则吾祖父与先生焉。先生著《待定录》数百卷，极为先生得意之书，乃竟以粤贼之乱，为兵燹所焚，惜哉。阅惜抱轩尺牍。戌刻寝。

十八日 晴

晏起。作字。补记日记。抄尺牋。张厚培来，因与之烧字纸，且沽酒与饮，因留饭焉。夜，沉大伯父来山，得二兄书，准老方事。

十九日 晴

作字。抄文一篇。读《孟子》。

二十日 晴

作字。晨坐，忽忆通伯，因寄一诗与之，云：“清晨一禽鸣，凉风不胜葛。凭案掩群书，坐对青山豁。樵径盘墙头，行人出木末。忽忆同心违，梦魂几飞越。”方荣生来，留饭去。夜，命僮奴收犬，已不见矣，亟促四面呼之，不至，大约已为虎啗矣，悼之。

二十一日 半阴晴

作字。近来天气，人易昏惰，肝气颇盛，平日无涵养功夫，故至于此，可叹，可叹。阅《易知录》。金鱼下子，以盆养之，大伯云五六日可出也。

二十二日 阴

作字。洗砚于河，回望西山深处，雨意空濛，怡然久之。与大兄围棋数局。

二十三日 阴

读时文。弈。

二十四日 阴

作字。读时文。著棋。阅《易知录》。

二十五日 阴

作字。读时文。阅《易知录》。早，山童启门，畜犬忽跃入，大约为人所执，今始逸而归耳。鱼子出，往来濯濯，以千百计，不知尽能长大否。杜诗“雁儿争水马，燕子逐樯乌”，余始读而疑焉，不知水马、樯乌为何物。既而闻大伯云，水马，虫名，往来水上如飞，故名。大伯少曾入蜀，故知之。樯乌乃危樯上刻乌，以招风者。晋王濬伐吴，船首画鹢，以避水怪，樯乌亦画鹢之类也。周濂溪先生云：牡丹，花之富贵者也，其爱宜乎众矣。窃谓牡丹之色鲜而花大，有类乎富贵之气象，而世人尚且爱之，其心之于假富贵^①，其于真富贵不知若何矣，此世所以少气节之士也。

二十六日 霁

读时文。作字。读《孟子》。鲁平公将见孟子，因嬖人臧仓之言，遂遽应之曰诺。

^① 原文如此，语意似未足。

吾尝谓鲁公果真有见孟子之心，岂因片言而遂易其初衷哉，盖其将见之际已有不欲见之心，故仓遂隐伺其衷而进其谗也。物必先腐而后虫生之，人必先疑而后谗入之，仓苟非伺其中有不欲见之心，岂得于乘舆已驾之时而沮之乎。甚矣，小人之工于进谗也。余每于游荡之后，心便挠扰不堪，及阅名儒语一二卷，心便释然，遇事亦不见其繁，可见人心至危，不可一刻为物欲所蔽。

二十七日 晴

斋，为明日为吾母亲生祭故也。读时文。方景周、徐次德、方荣生来谈。交友不可不慎，余尝谓交人有三种，或以道艺交，或以文墨交，或以契合交，皆当熟视其人，必忠厚老成，不至阴险奸猾，然后可也。世尝有动亦循礼而实阴险，文亦惊人、情亦笃厚而实奸猾，此所以当慎也。孔子曰：“视其所以，观其所由，察其所安。”孟子曰：“听其言也，观其眸子，人焉廋哉。”岂非因人之难知而再四丁宁乎。二兄回。浴后坐南窗下，颇觉自适。读《东莱博议》。

二十八日 阴，大雨

吾母生祭之辰，备肴核祭焉。获字譬之获物，获得此物，即便止了，故谓之获。为人之功岂有已时，若期其获，所获必有止处，获有止处，为仁亦有止处乎，故曰仁者先难而后获。

二十九日 阴，晚霁

读时文。作“君子人也，曾子曰士”文，“翩翩乳燕穿帘影”试帖。

六月初一日 晴。今日夏至已过，而犹服夹，至今日始有夏意矣

读时文。作字。读《孟子》。读试帖。寻常事处置得宜而自喜，以告人刺刺不休者，皆因平日之事无一得宜，而偶有一得宜，反不以平日之无一得宜为耻，而以偶尔得宜为喜，其亦浅鄙之甚矣。一念之善未必景星庆云，一念之恶即至疾风暴雨也，可危哉。夜读《东莱博议》。戌刻寝。

初二日 晴。中午雷雨一阵，旋晴，一饭时山水下注，知东山深处雨必甚也

读时文。作字。读《孟子》。子路曰：“君子之仕也，行其义也，道之不行，已知之矣。”孟子曰：“千里而见王，是予所欲也。不遇故去，岂予所欲哉，予不得已也。”可见圣贤致君泽民之心，无时不殷然待用也。后世高隐士之名，征聘不起，吾谓此不过以藏其拙耳。故予最喜读《论》、《孟》中此等语。抄文一篇。夜读《东莱博议》。戌刻寝。

初三日 阴

读时文。作字。

初四日 阴

作“岂惟是哉”文，“一水护田将绿绕”试帖。

初五日 晴。始服葛矣

作论一首。抄文一篇。与二兄读古文。得大人谕，知到江西矣。

初六日 晴。热，中午雷雨一阵，旋晴

读时文。作字三百。人怀疑心，必白之于人，使人辨明其迹，庶可释疑。若怀于心而不发焉，则疑终不能释，内之累吾心性之明，外之伤吾聪明之德，鲜不流为宵小之阴邪矣。烹普洱安化茶，与大伯共话。大约普洱必杂安化烹之始佳，盖普洱之性最清冽，安化之性最平和，相半而烹之，则无害且可去暑矣。大伯云四川有李祥卿者，往来川江，为人拉纤，遇险石，怒曰：吾若拥千万之资，誓尽凿此石。同伴窃笑之。孰知祥卿数月积资买得小船，数年遂买大船，又数年，则上至成都，下至汉口，凡“麻雀尾”之船皆李祥卿所有矣。麻雀尾，大船名是时，凡客商必愿得李祥卿之船始喜。盖祥卿之船，凡孤客来则礼貌愈加恭，故人乐之。于是既有重资，乃凿川江之石，去其大半而祥卿卒，至今过川江者皆感之焉。蓬州有蓝某者，种负郭田数亩。蓬人凡有田十顷者，必种红花一季，蓝亦种焉。收毕交易于贩红花者，以价不合，怒曰：吾明年亦贩红花矣。明年借亲友银二百，亦贩红花。蓬人之贩红花者，必于顺庆府候外省之来贩者，始货之。蓝至，适外省来贩者以风不便未至，蓬之卖红花者，皆朝暮饮食，宿娼纳妓，以故贩者未至，则不能久留。蓝则晨夕自炊，一菜一饭而已。卖红花者欲归，乃皆货其花于蓝而去。四川红花之利有百数十万，而蓬州则顶七十余万，当是时，尽归于蓝。未二日，外省人皆至。以故获利大倍，未几则为蓬巨室矣。吾谓李之所以能成其志者，在能待孤客愈恭且不欺，蓝之所以能获利者，在能勤俭，然要归于立志。甚矣，志之不可不立也，志立则拉纤者可尽凿穿江之石，种田者可为巨室矣。然大伯云，蓝至富时，吾祖父为蓬州知州，命监修义仓诸处，犹一蔬一饭而不加焉。则蓝，其乡先生之流；李，其豪杰之士欤。读《孟子》。浴。夜，说故事，以消祖母之暑。亥正寝。

初七日 晴，中午小雨

作字。读时文。读《孟子》。夜，说故事。戌正寝。

初八日 晴

中午大雨，山溪大涨，返照之色甚可爱。作时文一首、试帖八韵。偶思余辈高斋纳凉，烹茶消暑，而大人在外风尘仆仆，一船如蒸，为人子者安乎，不安乎。因不觉思念久之，恨不得侍立于左右，为大人挥扇拂蝇也。夜，说故事。

初九日 阴

抄文一篇。旷。夜雨。读《东莱博议》。余性懒喜睡，每晏起，大人在家尝晨兴呼之。今大人往江右，而余起益晏矣。志不能胜气，可耻孰甚。昔陈白沙谒吴康斋，就宿焉，天色才辨物，即闻康斋已起，自播米，呼白沙曰：“秀才欲为天下一等人，何此时尚未起也。”呜呼，彼黎明而起，尚呼而责之，若吾之日出东山丈余而始起，其何以胜人乎，其何以自立乎，亦自弃自暴之人而已矣。戌末寝。

初十日 阴。似秋日景象

作字。读时文。读《孟子》。是日犹闻伐柯之声。人不患未闻道，而患闻道而不知行。盖未闻道者犹有闻之一日，冀其改前非也，若已闻而不行，则终身不能行矣。此自暴自弃，程子比为下愚不移，余病正坐此，可不戒哉。读昌黎《送李愿归盘谷序》。外祖母至，始闻长星出北方已月余矣。山中为峰所阻，且早眠，故未见。

十一日 晴

读时文。作字。读《孟子》。读昌黎《驱鳄鱼文》、《圯者王承福传》。夜纳凉，亥刻寝。

十二日 小暑，晴。祀祖忌辰也

作字。读时文。古人云蝉琴蛙鼓，二字皆切之至。蝉之音清而远，似弦之长，蛙之声繁而重，似鼓之闹也，于此足见古人下字之切。读《孟子》。

十三日 晴，云时障日

作时文一篇、试帖一首。夜凉。

十四日 晴，下午阴，飞雨乍来乍歇

读时文。作字。读《孟子》。夜，余就枕默思，生十六年矣，望我者有之，爱我者有之，即毁我弃我者亦有之，苟不自立，不且负望我爱我者之心，而愈长毁我弃我者之口实乎，悚然久之。甫合眼欲著，忽闻隔溪人声，起视则大人自江西回矣。霁叔及张桂林在后督物，明日始得到。欣然久之。

十五日 晴，热

检点大人自省带回物件，麓逸送余一茶壶，似钟形，亦送大兄一脸盆，二兄一壶，皆磁器。又敬观大人游庐山诸诗及出行日记。作字。读时文。夜闻大人言，长星出北斗东，芒长三丈，入紫微冲帝座，因不知恒星部位，故不得其详。遂与霁叔寻之，已退去矣。大月。

十六日 晴，热

作字。读时文。读《孟子》。

十七日 晴

作字。读时文。夜大月。是日剃发。

十八日 晴

入城，往通伯处坐谈。宿于中复堂。

十九日 晴

承初二伯母成服，往吊之，饭而归。子椿来。